



Broj: 02-13-311-1/20
Sarajevo, 10.03.2020. godine

Na osnovu člana 90. Zakona o visokom obrazovanju Kantona Sarajevo (Službene novine Kantona Sarajevo broj 33/17) i člana 174. Statuta Univerziteta u Sarajevu, Disciplinska komisija Fakulteta političkih nauka na sjednici održanoj 10.03.2020. godine **donijela je**

ODLUKU O utvrđivanju disciplinske odgovornosti

Član I

██████████, studentici odsjeka Komunikologija/Žurnalistika, Fakulteta političkih nauka Univerziteta u Sarajevu, izriče se disciplinska mjera **OPOMENA PRED ISKLJUČENJE**, a zbog utvrđene teže povrede obaveza: krivotvorenje isprava u vezi sa studijem i ostvarivanjem studentskih prava, predviđene članom 173. stav (3) tačka a) Statuta Univerziteta u Sarajevu.

Član II

Odluka stupa na snagu od dana konačnosti odluke.

Obrazloženje: Viši stručni saradnik ██████████ podnijela je Zahtjev za pokretanje disciplinskog postupka protiv studentice ██████████ dana 14.02.2020.godine, na osnovu kojeg je dekan Fakulteta političkih nauka Univerzitet u Sarajevu - ██████████ donio Odluku o pokretanju disciplinskog postupka br. 01-3-221-1/20, 17.02.2020. godine.

Disciplinska komisija (u sastavu ██████████-predsjednik, ██████████- član i predstavnik studenata ██████████- član) je dana 10.03.2020. godine u 14 h na sjednici u okviru javne rasprave, upoznala studenticu ██████████ o postupku utvrđivanja disciplinske odgovornosti koji se vodi protiv nje. Komisija je konstatovala, uvidom u dostavljenu dokumentaciju od strane više stručne saradnice ██████████ da je studentica ██████████ izvršila samostalno potpisivanje za predmetnu profesoricu (potpisani predmeti su položeni) u svoj index u dijelu gdje se vrši upisivanje položenih ispita. Studentica ██████████ je pozvana da se izjasni o tome da li je (i ako jeste zašto je) izvršila navedeno upisivanje. Studentica je kazala da ona nije samostalno izvršila upisivanje u index, već neko od njenih kolega, ali obzirom da se radi o njenom indexu, ona snosi odgovornost za učinjenu povredu. Na poziv Komisije da otkrije ime ili imena kolega studenata koji su izvršili krivotvorenje potpisa, studentica ██████████ je kazala kako ne želi da iznosi imena kolega, te je dodala da joj je žao zbog cjelokupne situacije.

Na temelju svega navedenog, a uzimajući u obzir težinu povrede, značaj upoznavanja ostalih studenata o ozbiljnosti ovakvog postupka, kao i posljedice koje ovakva povreda može da izaziva, Disciplinska komisija je jednoglasno odlučila da donese Odluku kao u dispozitivu.

Pouka o pravnom lijeku: Protiv Odluke Disciplinske komisije dopuštena je žalba Vijeću Fakulteta u roku od 15 dana od dana prijema prvostepe Odluke. Odluka Vijeća je konačna.

PREDSJEDNIK DISCIPLINSKE KOMISIJE

Dostaviti:

1. [REDACTED]-lično;
2. U dosije studentice [REDACTED];
3. Prof.dr. [REDACTED];
4. www.fpn.unsa.ba
5. a/a